

32. Ausgabe

2010

SFr. 4.-

# HÄGEDÖRFER- SPÖIZ

Herausgeber: ROOT-RAT

# AKTUELL

HOCHBRISANT

# unabhängig

# SPONTAN

# NEUTRAL INFORMATIV ZIELT SICHER



Vorsicht!  
Kann wahre  
Begebenheiten  
enthalten.

2

# Proklamation Fasnacht 2010

Hüt esch`s sowiit, s`het öpper dreit am Ziit.

Wenn zum Bach us Dampf ufstigt de, de esch der Root nüm wit.

Für ne Ziit; Vergässe mer die huere Kriese jetzt gäu mer ab wid bise.

Schlechti Meldige do und dört, dasch jetzt vergässe und öppis wonis nüme stört.

Der Root dä lusig Gsöu bringt is Mehlsuppe us der Fasnachtshöu.

D`Fätze flüge, Bese stübe, Sprüchli klopfe, use zieh dä Alltagspropfe.

Was söll das um Gotts Wöue es goht is doch um Fasnachtsbröue.

Hejo d`Fasnacht chunnt, dick isch si und rund.

Chömet mer löi se ine, e säge Root de Bäse dä isch dine.

Aber nume für paar hemlische Däg, so bliibe eg au zwäg.

Nüme plaudere, nüme zaudere

chömet mer rüfe däm wo der Tüfü het gschrote.

Roote, Roote der Tüfu het di gschrote

Der Chef

Die Redaktion behält sich vor,  
die Schonzeit zukünftig als  
gestrichen zu betrachten.  
Sämtliche Ähnlichkeiten mit  
lebenden oder toten Personen  
sind rein zufällig und ungewollt.

Ausgabe: 2010 (32. Jahrgang)  
Unbeglaubigte Auflage: 450 Exemplar  
Erscheinungsweise: Imal jährlich  
Redaktion: Hägedörfer Spöizer  
Herausgeber: Root-Rat Hägedorf

Hemmlischi Dage das wönsch e mer  
hemmlischi Dage das wönsch e der  
hemmlischi Dage das wönsch e öich all  
hemmlischi Fasnacht of jede Fall

Als Root der 33 stoh neg jetz do  
e ha vom Amme der Bäse übercho  
dä Bäse wott e vo jetz a schwenge  
und alli Narre zom lache brenge  
e wott net dä si wo öich duet regiäre  
e wott dä si wo öich zom närrische Triebe duet animiere  
e wott net dä si wo erhobe über öich duet schwäbe  
e be e ganz gwöhdleche Narr wo met's onder öich duet läbe  
e wott öich verleite zom närrische Triebe  
und so met öich e tolli Fasnacht fiere

Hemmlischi Dage das wönsch e mer  
hemmlischi Dage das wönsch e der  
hemmlischi Dage das wönsch e öich all  
hemmlischi Fasnacht of jede Fall

Sorge und Nöt cha ne öich net näh  
aber e loschtigi Fasnacht wott e öich gäh  
wenn der als Narre die Fasnacht döt fiere  
denn wott e gärn i öicher Metti bliebe  
über loschtigi Sache söue d'Bänkler senge  
und d'Eugge öis alli zom tanze brenge  
zäme wei mer die Fasnacht gestalte  
de due ne gärn vör öich als Obernarr wallte  
mer alli zäme mösse nis fescht vor neh  
ar Fasnacht wei mer nor s'beschte ge

Hemmlischi Dage das wönsche mer öich  
hemmlischi Dage das wönsche mer öis  
hemmlischi Dage wönsche mer öich all  
hemmlischi Fasnacht of jede Fall

Nach langem sueche esch's mer no g'longe  
e ha no Sekundante g'fonge  
Zwe a der Zahl es g'hört sech so  
hei näb mer Platz do forne g'no  
se wei nech jetz grad sälber säge  
we se die Fasnacht wei erläbe



Als Chend be ne met em Dapi a d'Fasnacht gange  
spöhter ir Jugenddisco ome g'hanget  
als Sekundant wot e der Vater onderstötze  
e Hoff es glengt und wärd em vöu nötze

Aus jönescht's Metgled be ne i dere Zompft  
e be bekannt als der Baby-Schlompf  
der Root das esch der Ongle vom er  
und ou e wott ar Fasnacht mis beschte geh

Öise Leitschproch dä esch sonneklar  
mer drü mer si s Team Obernarr

Hemmlischi Dage das wönsche mer öich  
hemmlischi Dage das wönsche mer öis  
hemmlischi Dage wönsche mer öich all  
hemmlischi Fasnacht of jede Fall

# Proklamation Root XXXIII.



Haussepp i.


Es war einmal ein Ländli  
Met bar riche Männli  
Die nahmen grosse Gaschen  
Und fuhren grosse Wagen  
Doch plötzlich macht es flutsch  
Die Millionen waren futsch  
Doch unser Papa Staadt  
Der stand ja scho parat  
Milliarden wurden investiert  
Ein Teil der Männlein observiert  
Die neuen die gekommen sind  
Lernten von den Alten ganz geschwind  
Leider esch das haut keis Märli  
Es get's si wörkli die Männli i däm Ländli

Es war einmal es Dörfli  
Es ganz es härzigs Oertli  
Met's im Dorf duet eine hocke  
Wäg der Mehrwäckhalle duet är bocke  
Keis Fränkli wot är för das Bouwärik geh  
Jo wo här wette mers ou neh  
Mer heis jo scho der eug müesse geh  
Doch är wird g'lobt und aus Höud beschwohre  
Und Gmeinsversammlig als vorfasnächtlige Alass gebohre  
Das Dörfli das duet's ganz g'wöss net gäh  
So döi sech secher nor Schöudbörger benäh  
Wahrheit scheckt i jedem Närrli  
Loschtig esch net jedes Närrli  
Doch beidi wie öis öppis lehre  
Gäge Ungrächtigkeit do mosch die wehre  
Mosch net gäng be de Nätte si  
I Gschecht gosch ou aus Böse i

Es war einmal ein wechtiges Männli  
I däm Oertli i däm Ländli  
För Politik het är sech entresiert  
Und e Hufe Johr het är regiert  
Doch är het leider net begreffe  
Was d'Schpatze hei vo de Dächer pfeffe  
S'wär a der Zyt das s'regiere dädisch lo  
Und zrog is zwöite Gled dättsch stoh  
Sesch schad dass är het net begreffe  
Was d'schpatze em vom Dach hei pfeffe  
Es get ou Märli wo net guet döi ände  
Und e trurige Schloss chasch net abwände  
Doch ou die Märli döi der säge  
Es Märli esch wie s'wörkliche Läbe

Es war einmal ein Schreiberling  
Dem ging das schreiben meistens ring  
Doch einmal kommt der Augenblick  
Man schreibt an seinem letzten Stück  
Schluss und vorbei es ist vollbracht  
Dorfrärsche tritt för emmer ab!

# Dorf-Rätsche



esch das e Schlammschlacht gsi  
 d SVP und FDP si derbi  
 d Hägedörfer hei entschide  
 met em nöie Gmeinspräsi si mer ou z fride



**FDP**  
 Die Liberalen

Liebe FDP  
 Time to say goodbye,  
 vorbei ist vorbei.  
 Bei den nächsten Wahlen  
 Wünschen wir euch nicht die selben Qualen!

Sötsch e mou dr Dönnpfiif ha, muesch du ned zom Ladi ga.  
 Es drochnigs Gepfeli vom Beck muesch frässe,  
 de chasch dr Schisser grad vergässe.

Fasnachts-Montag  
 Höckeler Maskenball  
 Ab 20.00 Uhr MZH

*Littering was ist denn das?  
 Küder sammeln macht viel Spass,  
 Ein Ungezin das setzt sich ein,  
 Neue Strassen und Spielplätze werden rein,  
 doch Kolorierteimer strahlen weit und breit,  
 was muss noch alles passieren,  
 bis wir es endlich kapieren?*



D'Wirtschaftskrise die esch do,  
 doch niemer duet das richtig merbecho.  
 Wotsch i Gäupark schnäu go poschte,  
 dōi der bim astoh fasch Glänk iroste,  
 So vōu Lüt wie dōrt dōi si  
 do cha vo nere Krise kei Red si.




Die 1. Gmeinsversammlig isch es Gnuusch  
 Do chunsch fasch nid druus  
 Dr Albi bringt dr Ablouf nid uf d'Reihe  
 Allenfalls sägem d'Lüt, was si derzue meine

**Fasnachts-Sonntag  
Kindermaskenball  
Ab 14.00 Uhr - MZH**

Einisch im Johr goht d'Dameriege go Fondü ässe,  
das Datum duet fascht keini vo ihne vergässe.  
Wo göi mer ächt das Johr häne, si alli gspannt,  
leider esch ou dir der Wäg zur Beiz ned bekannt!  
Wenn s'nöchts Mou e Alass duesch organisiere,  
muesch vilecht zerscht go rekognosziere.  
Nadine „planlos“ Christ



Eigentlich hei d'Neger ghört  
doch vor Zytig eine sech verhört  
wöu \*d'Höckeler für s'OT \*d'Neger si  
si a der Chilbi \*d'Höckeler de \*Neger gsi  
\* Name von der Redaktion verwechselt




**Canapé, o'wek**  
Zu mim Geburtstag, wie chönt's anderscht si,  
lad ich mini Kollegä zum Firä i.  
Im Internet do hani denn gsek,  
Gim Vögi-Beck gits Canapé.  
Fein und gluschtig gsek die an dri,  
vom Pries här müend die riesig si.  
Vier pro Person, das isch ideal,  
z'wenig ka, das wär fatal.  
Söll niemer bi eus Hunger bledä,  
Dr Geburtstag isch cho und Canapé an.  
doch was säg ich und d'Kollege an:  
Jö, wie kärzig, fin und chli,  
so manzig sinds aber im Internet nid gsi!!!  
Mit Liebi sind diä sicher gmacht worde,  
doch d'Grössi hät eus dr Appetit verdröbe.  
Zu däm Pries, dass dörf eifack nid si,  
diä Canapé sicher es bizeeli z'chli.



wenns gfrürt  
dr Zammerma Roy het das secher ou woue  
s goht ned lang ond s Mühles chömme cho chlopfe  
he Roy bi üs duets us de Wänd use tropfe  
sött me d Useleitig abstoue

das Hängendorfer Coop ist in aller Munde  
jeder denkt, ich bin der wichtigste Kunde  
Weil Frau Arnold uns alle kennt  
und nett beim Namen nennt

**Dankeschön**



Am Guggechlousehöck düend mer i d'Bäsebeiz loufe,  
s'Wätter cha mer sech haut ned ichoufe.  
De hets haut gränet, was esch derbi?  
De Bole esch ned Wätterfescht ond so schlächt.  
I chome ned met, wöu s'Wätter esch so schlächt.  
s'chönt mer jo ur's Chöpfl ränet ond de esch d'Frisur nömmе rächt.

\*\*\*\*\*

**Öffnungszeiten Root-Huus**

Fasnachtsdonnschtig	13:33 - 18:33 Uhr
Fasnachtfrytig	13:33 - 18:33 Uhr
Umzugsamschtig	14:33 - 18:33 Uhr
Sonntag	13:33 - 18:33 Uhr
Rosemäntig	13:33 - 18:33 Uhr
Fasnachtszyschtig	13:33 - 19:03 Uhr


\*\*\*\*\*



Von Zeit zu Zeit und das ist wahr,  
 geht diese Frau in die Hippos Bar.  
 Oft sind die Beine viel zu schwach,  
 und sie liegt vor der Theke flach.  
 Nicht selten - und das darf man sagen,  
 wird sie aus der Bar getragen.  
 Der Grund für diese Schwäche was kann das sein?  
 Bestimmt die Menge weisser Wein.

Fasnachts-Samstag  
 Schlumpf-Maskenball  
 Ab 19:00 Uhr MZH  
 Mit Schnitzelbänken &  
 Maskenprämierung!


Wotsch d'Rächig für die nöie Winterpneu ned beglicke,  
 Huth Ränggi vom Chelerain



I BI SIT NEUSTEM PAPI  
 UND SCHO CHLI E LAPPI  
 SCHO HANI VERGÄSSE  
 WIE ME SOPHIE SCHRIBT - BIM SMS-LE MÄSE




Am Neger-Fescht do düend mer s' Guggchleid alege,  
 das düend halt ned emmer alli tschegge.  
 Luut ond düütlich het de Cédi gseit,  
 am Fescht spele mer im Indianerchleid.  
 De Gonzo het wahrschämlech bi dem de Metteilige ned welle lose,  
 het wie emmer i de Probepause is Trötti ineblose  
 ond chont darum i de Wächtighose.



Bisch am Hockey-Match in Oute  
 Den no z'fu zum Auto z'loufe  
 Stigsch i Bus wo vorem Stadion stoht  
 D'Tür got zue, jetzt esch es z'spot

Si hocke drenn bi de Fans vo Langethau  
 Müess Lieder senge s'esch e Quau  
 Chöi no lang uf e Stop-Chnopf dröcke  
 Uf dr Fahrt zum Bahnhof gits kei Lücke

Ihrem Outo chöi se nome winke  
 Am liebschte würde se im Bode versinke  
 Ändlich acho seckle zwöi dervo  
 Guido und Fredy hättet dr Wäg Gschider z'Fuess i Agriff gnoh



Chrige - das Jahr chöme mir nümme z'spohr,  
 mir wüese jetz, wo d'Cheslette düre goht  
 Corinne

Nachem Gäld abebe bini gange  
 S'Portemonnaie isch ir Bank bliibe hange...  
 Ivana



dr Teppich-Scherrer stumet ned schlächt  
 e Bütle im Bus vo was esch hets sammt ächte  
 dr nöi to dr Gugg hets sammt Pauke überschlage  
 dr Hänggi Michel huet von Schreck uf dä Wage

HET DR HOND E VELOFAHRER A G'FAUE  
 DENN DUET DAS IM JÄGER GAR NED GFAUE.  
 D'ANGST ÄR MÜESS DAS TIER ABTUE ESCH DO,  
 DROM HET ÄR IR HIPPOS S'TRONKNE ELÄND ÖBERCHO.  
 DE MUDER STARKUS VOR EIGASSE  
 Am Eggbürg gets de e Wändelplatz.  
 e Raschelt mit Kafi ond Souvenir före Sektel!

GUCCI



Bekannt esch, dass d'Katja gärn Markeartikel het!  
 Kei Lade esch secher vor ehre, jedi Wett!  
 Jetzt gets sogar in Solothurn en Gucci-Lade,  
 dort mues si ine, jo het si den en Schade?  
 De Michu cha d'Wält nömmen verstoh,  
 dass d'Katja so felsefesch vor dem Lade bliibt stoh.  
 Katja, Gucci esch jo guet ond rächt  
 aber imene „Chuchi“-Lade werds der doch nome schlächt.  
 Mängisch esch läse haut en Glöckssach!



Schmutziger Donnerstag  
**Cheslete**  
 Ab 05:00 Uhr - Spitzacker  
 Lärminstrument-Prämierung

met Sturmfrisur ond em Chind im Pyjama,  
 chonnt d Flury Isa am Morge im Chingsi a  
 eigentlech hät si höt jo frei  
 aber d Kollegin die schloft no dehei  
 d Isa pressiert ond sprengt natürl i  
 schad esch dä Stressdag ihre Geburi gsi

Im Hauebad darfsch s'Wasser nömmen suufe  
 döt drin schwimmt vo irgend eim e Huffe  
 es starks Stück chasch do scho säge  
 ned mou Plättli möge das verträge  
 trotz Belohnig werd dr Schiesser ned gfonde  
 doch bitte s'nöchscht mou due deheime pfonde



8

Frage von Peter H. aus H.:  
 Sollte ich bevor ich mich volllaufen lasse,  
 wissen wo mein Zimmer ist?


Antwort von Mysteriös:  
 Wäre sehr von Vorteil da sonst morgens  
 um zwei Uhr das ganze Hotel weiss,  
 was für ein Depp du bist,  
 wenn dein Weib dich ganz nett ins Zimmer bittet!



Dr Wäg ofe Bängg  
 Olonsch of Hagedorf me z'fahre.  
 Olonsch of däm Gobus usfende.  
 Wie süsch ned schlächt i d'm Olare!  
 stunsch of däm Gobus usfende.  
 welle Wäg seck ofe Albenheilige wörd wender  
 Aber me esch secher scho am Ewelen  
 Ond tuet löstige vestudiere.  
 Am Eggbürg gets de e Wändelplatz.  
 e Raschelt mit Kafi ond Souvenir före Sektel!

Der Wintergarten

En Wintergarte das isch schön,  
 bi Räge, Sunne, Schnee und Föhn.  
 Au s'Herrmanns wei jetzt soes Teil,  
 dr' Dani meint, das wird so geil.  
 Jetzt müemer aber zügig dra,  
 in 2 Jahr wei mir dä Garte ha.  
 Dr' Summer zieht is Ländli i,  
 dr' Herbst chunnt ou, dr' Winter verbi,  
 dr' Wintergarte hät no Zyt,  
 mir sind mit Allem no nid so wit.  
 Denn ändlech, wär het das no dankt,  
 wird alles doch no i d'Wäg glänkt.  
 Im Januar wei s'Hermis dort usse sitze,  
 im Schneegestöber dinne schwitze,  
 was cha no schöner si als das,  
 verzelt das am Osterhas.  
 E Bodeheizig hei si nid,  
 en Schwedeofe seig en Schitt.  
 Claudia meint, de Sunneschi,  
 dä heizt däm Gärtli mächtig i.  
 Im erste Summer hei si Freud,  
 im Herbst drufabe scho bereut,  
 so saucht isch's i däm Wintergarte,  
 benützig mues bis im Frühling warte.  
 Doch eis das wämmer doch no säge,  
 für e Wiehnachtsbaum isch es ä Säge.  
 Bis im Frühling chan är im Gärtli si,  
 es gfrühnem nämlich d'Nodle i.



STELLENANGEBOT

Wir sind ein lustiger Verein, der zur  
 Fasnachtszeit gerne schräge Töne von sich gibt.

Zur Verstärkung eines Registers suchen wir  
 pünktliche, nüchterne Trompeten !

Wir bieten eine abwechslungsreiche und  
 interessante Herausforderung im  
 musikalischen Bereich.

Die bisherigen Stelleninhaber in dieser Funkti-  
 on vermochten nicht immer zu überzeugen.

Interessenten wenden sich vertrauensvoll an  
 den ML der Gugge Hagedorf.



\* \* \* \* \*  
 Fasnachts-Freitag  
 Seniorenfasnacht  
 Ab 13:30 Uhr - MZH  
 Spiel, Spass & Attraktionen  
 \* \* \* \* \*

Wotsch im Kreisu z'Hägedorf öppis saniere,  
 muesch zerscht der Hintermaa pensioniere.



s Natel esch verschwunde  
 d Flammer Lisebeth hets nömm gfunde  
 si duet schnäu reagiere  
 ond es nöis organisiere  
 Lisebeth das hättsch dr chönne spaare  
 wenn no chli Geduld hättsch chönne wahre  
 im Coop esch s Natel weder förecho  
 hättsch gschider e Tag nüt undernoh



40 Jahr Chöpsu ond kes betzli müed,  
 40 Jahr Chöpsu wie hei mer des verdient?  
 För d'Gmeind duesch du jetzt so lang schaffe,  
 dorm chome di jetzt sogar i der Zütig agaffe.  
 Leider si dini Jahr bi der Gmeind jetzt zöüt,  
 doch du besch ond blibsch trotzdem üse Höud!



Är stoht scho lang bem Männerchor-Stand  
 plötzlich gheit sis chline Natel us der Hand  
 är duet sech noch dem bücke  
 doch das flügt grad dur Doledecku lücke  
 e Leitere muess är jetzt goge sueche  
 chli spöter ghörsch ne usem Loch de flueche  
 wenn der das nömme söu passiere  
 muesch weder es Natel C organisiere  
 Schlumpf Belser

Em Dezember si se onderwägs  
 Zwar verkleidet aber ned aus Häx  
 Aus Schmotzli ond Samichlaus  
 Verzöue d'Kinder ehne aus

Vo Hus zo Hus döi se zwöi loufe  
 Ond Goofe för domm verchoufe  
 Doch doof si se grad säuber  
 S'Hirn so chli wie bi jonge Chäuber

Uf der Stross döi se s'Mühles gseh  
 Jo wo weit de der zwöi he?  
 Zo euch cho chlouse ond's loschtig ha  
 Pitsch ond Jenny der sit e Tag z'früh dra



Gastronomie Hägedorf

Ein neues, revolutionäres, gastronomisches  
 Konzept überrollt die sympathische Gemeinde  
 am Jurasüdfuss.  
 TV Restaurant-Tester Buhmann sagte:  
 „Das get e süper Sach“.  
 Das Konzept heisst:  
 Grosse Preise für kleine Portionen und  
 überteuere Cocktails um den Schreck runterzuspülen.

Als erster Betrieb wagt sich das Gin-Gin-Team  
 auf dieses Neuland.  
 Es bleibt zu hoffen, dass man mit dieser Idee  
 auf den Füssen und nicht  
 auf der Nase landen wird.

Jetzt aber hop hop, du muesch go  
 Wotsch du net spot dort häne cho  
 Dr Mundi duet 70 Jahr fiere  
 Do muesch du au go gratuliere  
 Är hetzt id Bodematt und chont ne drus  
 Es het jo gar kei Lüt i Stau oder Hus  
 S'Dorli het me e Woche z'früh gschickt  
 Verzäut är beschämt vo sim Missgschickt

Dösu alias Schnäggl alias Hene Chäuerhaus



**Nicht gesucht wird**  
 Der fremde Mann, der mir ge-  
 holfen hat, Marias Auto beim  
 MAD zu starten wird von mir  
 nicht gesucht. Ich möchte  
 nicht, dass diese Geschichte  
 publik wird und in der Fas-  
 nachtszeitung landet.



Pupsi Moser



UF GÄNF REISE ESCH NET Z'EMPFÄHLE,  
 MET GUANTANAMO HÄFTLENG DÖI SECH DIE UMEQUÄLE,  
 AUS NÄHME D'SCHWIZER DO BESCH BAFFI,  
 AM SCHLOSS DÄNK NO DER GADAFFI!



Der TUS sötts doch langsam schnaue,  
 aber der Grosche esch noni gfaue,  
 Worscht, Glace, Bier,  
 ab de Zähne war nix mer hier!  
 Der Föum esch fertig s'liecht got a,  
 im Legestueu nor no der Sensemaaaa!  
 TUS sei Dank!!



Schloofe im Zog das duet guet,  
 brucht aber ou es bezeli Muet.  
 Bir Billetkontrolle duet en der Kondikteur wecke,  
 trotzdem är s'GA parat gleit het, das esch doch zom verrecke.  
 S'GA duet haut nor im Schwizerland ga,  
 bi de Schwobe muesch du es Billett ha.



Die TUS - Gurken


De Michu duet bi de Seniore z'Härkinge tschütte  
 ond das send de öppe gar kei Pflute.  
 Met vel Isatz send si bi dem Sport derbi,  
 das cha mänglich ganz schön schmärtzhaft si.  
 Zerscht en brochni Hand ond de no Zähm usegschlage,  
 do duet mer wägere göile Charte gar nömme Klage.



s'Gäumanns ehre Christoph  
 s Kurmann Heidi esch im Tschutte dr Hit  
 bim Grüputurnier macht si natürlu ou mit  
 nach de Spiel chli met Fründe zämesitze  
 gäge Morge met em Velo heizue flitze  
 aber Heidi s nöchsch mou pass chli besser uf  
 e Sturz roubt dir fasch dr Schnuf  
 d Verlezige im Gsicht cha me ned überseh  
 mer hoffe s duet nömme weh.....

\*\*\*\*\*  
 Fasnachts-Dienstag  
 Hootschi-Füür  
 19.03 Uhr - Doofplatz  
 \*\*\*\*\*

Es schleichen Kinder voll durchnässt  
 allein durch Hägendorf's Quartiere.  
 Wer wohl die Kinder quälen lässt?  
 Sie sammeln fürs Skilager noch Papiere  
 Sie schleppen meist bei Regen,  
 oft an Sammeltagen ist es so.  
 Lehrer sucht man dabei vergeben,  
 die sind im Trockenen irgendwo.  
 Sie holen Papier und Karton bei jedem Haus,  
 bei der Post auch noch im Keller  
 Und diese Mengen, es ist ein Graus  
 mit Vorbereitung ginge es schneller.  
 Im Februar ist's wieder soweit, das ist Pflicht  
 und die Lehrer organisieren.  
 Ich seh jetzt schon wie ein Kind unter der Last zusammenbricht,  
 ein anderes geht auf allen Vieren.  
 Liebe Lehrerschaft benutzt Euren Kopf  
 das geht auch besser, lasst Euch das sagen.  
 Noch mancher Wagen steht irgendwo im Schopf,  
 man müsste halt nur rechtzeitig fragen.



Markeartikel mache blind  
 und ab e nöchschti Lade gschwind  
 die gueti Frou macht grossi Auge  
 wou aus wo gschsch das duet nüt taüge  
 die andere duets fasch verbäse  
 statt Chuchi het si Cucci gläse  
 S'Kühle Matja



# ES WAR EINMAL.....


Es war einmal ein Automech,  
der hatte auf dem Berglein pech.  
Die Polizei die stoppte ihn  
da ward er im Gesicht ganz grün.  
Abgastest ward er gemacht?  
Da sprach er "gute Nacht".  
Ein Monat abgelaufen  
vielleicht kann ich den Polizisten ja kaufen.

Doch scheisse man das ging daneben  
100 Franken blieben auf der Strasse kleben.  
Der Bulle sprach gehen sie das Auto wechseln  
sonst müssen wir ihren Ausweis häckseln.  
Gesagt getan im andern Auto ganz spontan  
gehts ab jetzt sehr flott voran.  
Doch dem Ziele ach so nah,  
er den Polizisten wieder winken sah.  
Herrgottstärnesiech nicht schon wieder  
mir läuft gleich die Galle über.  
Doch das End von der Geschicht  
Der Abgastest ist für alle Pflicht

s'Voglers ehre Pius

Befeschigte muess är die Sache  
sösch cha Polizei de weder lache  
im Dorf fährt är sit Johre so  
wo nie derföör e Strof becho  
doch jetzt e Nochgschwack ganz e fahle  
die Buess muess är jetzt sälber zahle  
Fettler Mitz mit unimog

Watsch zom 20-Johr Jubiläum met direre Liebschte Ferie in Amsterdam mache.  
Werd dä Usflog met Secherheit zom Lache.  
Der Retourflug am Sonntag dä esch hee.  
ond das aus dank em Schne.  
Dr Mäntigsflug met Easy-Jet.  
Das Klappet secher ned - jedi Wett.  
Billet hei se es fausches buechet.  
die zwöj hei met Garantie g'fuechet.  
City Jet die heis de gschaft.  
ond se am Mäntig z'Nacht heizue brocht.  
Severine + Roger Graber




D'MARLIES DUET JETZT POSUNE SPELE,  
DAS ESCH NED DE LYRA EHRE WILLE.  
HENDERE OND VÖRE ZIEH MUESS MER DAS DENG,  
DAS MACHT DOCH WÖRKLI E KEI SENN.  
GUET G'ÖLET DUET SI DIE ERSCHTE TÖNLI VO SECH GÄ,  
SI DUET EHRI SACH SEHR ÄRNSCHT NÄH.  
DOCH MET VÖU ZVÖU CHRAFT HET SI A DEM CHEIBE ZOG ZOG,  
DE ESCH ER DOCH TATSÄCHLICH DORS GANZE PROBELOCKAL GFLOGE.  
DAS PASSIERT MER NED NO EINISCH, DO DUEN I WETTE OND LEIT DÄ ZOG AD CHETTE.


Chenderarbet esch net g'schtattet,  
d'Poscht werd vo somene Ereigniss überschattet.  
s'Papier hole be der Poscht esch jedem Chend e grus,  
wöu ses säuber möi go hole zom Chäuer us.  
Si die be der Poscht de ned ganz bachtet,  
wenn's nett so trurig wär hätte mr dröber g'lachtet!



bi dr Chappeler-Gugge chonnsch nömme noch  
ar Chilli heissts si wei ned witer mache  
doch jetzt do hei si sech weder gfonde  
hei sogar d Metglieder chönne ufrome  
hoffentlech düe si sech nöm zerstritte  
sösch chöi si nöm uf dr Erfolgswäue Rite




Was passiert, we me über Nacht bi Rääge s'Cabriodach offeloht?  
D'Chrige Bächer het nassi Hose am morgge wenn sie zur Arbeit goht!



Schmutziger Donnerstag  
Schnitzelbänke & Gugge  
Ab 20:00 Uhr in allen  
Fasnachtsbeizen



Wenn d'Neger fiere esch das loschtig,  
 aber met zwehni Fleisch wenig gloschtig,  
 Kei Kafi, Prise saftig gnue,  
 logisch seze sech die Neger jetz zor Rueh!



Em Bahnhof hets öppis neus,  
 mer hei gmeint e Panter wohnt in däm Gehäus.  
 Aber HAUT zom bändige gets nüt,  
 es urauts Sofa, witter nütit .

Us Schmutzli und Chlaus wottsch dr Tante und im Onggile e Freud mache,  
 nimmsch dr Sack mit, mit Mandarinli und süschtige Sache.  
 Leider si se nid deheime gsi  
 auso goht me wüiter zu Kollege hei.  
 Au dört macht niemer Türe uf  
 Schmutzli und Chlaus bruuche afe vöu Schnuuf.  
 Jetzt längts, s isch alles für d Chatz gsi,  
 samt de Chleider schlofe si deheim ufem Sofa ii.



Hary & Mugo Sommer

Be de Suppebüttü s'Geld verstecke  
 das cha di nochhär sälber necke  
 bem choche würd si plötzlech blass  
 em Topf gseht si dä Schüln ganz wass  
 bem usenäh scho weder es dumms Gsecht  
 wöu der Hunderter uswander brecht  
 vor luter Scham es "Toys are us" si got  
 wöu d'Jugo-Frau ar Kasse nüt verstoht  
 s'Gugge-Geld esch jetze weder ganz  
 über d'Astrid Hirrlinger lache mer e Schranz



**Fasnachts-Freitag  
 Beizenfasnacht  
 mit Maskentreiben!**  
 Ab 20.00 Uhr  
 in allen Beizen



ou de Profis duet mängisch öpis ned glinge  
 dr Fähler dä chasch schnäu usefinge  
 bim Vögi Beck het me d Hefi vergässe  
 dr Königschueche chasch ned frässe



Schweinegrippe impfen ja oder nein?  
 Machst du das nicht mutierst du zum Schwein!

OINK OINK



Im Sommer darf öisi Fuessball-Nati nach Südafrika a d'WM goh.  
Mer hoffe si döi, wie die Chliine, aus Wältmeister retour cho.




D'Chöubi sett si es grosses Fescht,  
wo sech traffe lheimischi ond Gescht.  
Trenke, ässe, juble, fiire  
leider Chöubibahne wo döi giire.  
Mer froge eus wo si die Lüt?  
He die Chöubibahne si doch nüt.  
liits ächt wörklech a de Bahne  
oder si mer aui so Banane?



D'Veloonterführig dörfe se jetzt bespreie,  
vor Freud leu se die Dose grad lo g'heie.  
D'Velofahrer flüge chrüz ond quer,  
DAS ESCH NED FAIR!


es Navi z ha esch dr Hit  
verfahrersch di wöm dermit  
programmire das muesch no säuber mache  
das schaffti scho-das esch doch zum lacke...  
dr Graber Rösche fakrt so wie die Dame ned  
das d Rechtig ned stemmt, das merkt är ned  
nach langer Zit chommt är ändleck drus  
ond s Navi flüht zum Fänschter us




Im Dorf do duet e Wienachtsbaum stoh,  
doch leider duet dä Fasch kei Schmock übercho.  
D'Wienachtsbelüchtig die duet dervör brönne scho witt,  
vor dr eigentleche Wienachtszyt.



BRIEFMARKEN KAUFT MAN BEI DER POST  
ALLES ANDERE AUCH!




dr Zebelimäret z Bärn  
bsuecht ou dr Rötheli Willi gärn  
uf em Heiwäg im Zug nickt är churz i  
Dänkt, ig wache uf weni z Oute bi  
natürli het är das ned gmacht  
ond esch ersch z Basu ufgwacht




Dri Bänder duet är choufe,  
cha for Glücks chum no grad loufe.  
Aer tounlet hin ond hör,  
e'Glichquecht heute ersch haut schwär.  
Das är ou das Jahr e Hönge cha empfo,  
duet är am Gogger sis Schlagzüg zämescht!  
Kummann live

\*\*\*\*\*  
Fasnachts-Samstag  
Fasnachts-Umzug  
Ab 14.33 Kirchrain  
Anschl. Wienerli & Brot  
\*\*\*\*\*


uf Italie i d Ferie fahre  
 Mit Chind und Chegu lade se dr Chaare  
 Dört döi se s Läbe gniesse  
 Lõi d Gedanke am Strand lo fliesse



Bim Heigo gohts Zacke, Zacke  
 Me packt Sacke und Packe  
 Doch Dokumänt und Päss blübe dört  
 Läck Grabers sít der blöd



D'SCHWEINEGRIPPE MUESCH BEKÄMPFE DAS CHEIBE GSCHWÖR,  
 DER BEAT SCHLATTER MACHT WÄRBIG IM FÄHRNLECH DERFÖR,  
 E GUETE WÄRBETRÄGER ESCH ÄR NATÜRLECH VOU,  
 DÄ GSEHT VO NATUR SCHO US WIE NE CHRANKI SOU!




am Megerfescht esch si plötzlech verschwunde  
 d Maria Sotelo het d Jagge niene meh gfunde  
 zum Glöck esch si weder fürecho  
 s het se öper am Bahnhof gloh  
 nicht verzagen Post-Willi fragen


**Fasnachtsbeizen in Hägedorf:**

- Gasthof Teufelsschlucht
- Bistro Vögeli-Beck
- Bistro-Bar Florina
- TuS-Beiz im Gervasianum
- NEU: Hotel O'Tell'O

Zobe wenn du vo der Arbeit duesch cho,  
 settisch s'Hirni ned im Büro lo.  
 Met em Zog vo Oute wott är nach Hägedorf go,  
 duet dä aber dommerwiis scho z'Wange verloh.  
 Dr grimm(ig) Markus



D'Berlinermur esch vor 20 Jahr gfaue,  
 die zwösche Hägedorf ond Chappu...  
 ...sett me no 30 Meter höher boue!



Wotsch es frösches Gipfeli ha,  
 muesch zomene Beck osswärts ga.



Mer mache chli uf mer mache chli zue,  
mer sueche e Pächter mer wei me rueh.  
De esch es offe, de weder zue  
s'Reschtorant Tell chont net zor Ruhe.  
Die Ruhelosen




Duet U17-Nari a d'WM goh,  
Däi se aus Weltmeischer retur cho.

Berlusconi wurde niedergeschlagen  
wer konnte dies nur wagen?  
hat er es selbst organisiert?  
sein Gesicht ist nun saniert....



Am zwöi fot be eus Chilbi a  
am drü scho es paar Bierli gha  
am vieri of de Bahne gsässe  
am föifi schnäu go öppis ässe  
am sechsi gspürsch au scho es Risse  
am sibni muesch de goge schisse  
am achti de der Lorial troffe  
wöu au Schissine si überloffe

Sonntigs-Blick ond Tele-Bärn  
Wär härti das ned ou nou gärr.  
Gross, breit ond ou no schwär,  
är esch hauf e Maa wie ne Bär.  
Wotsch dass a dim Alass niemer duet randalliere,  
chassch en ou no aus Bodygard angaschiere.



Z'Hägedorf brucht aues Zyt  
Bes es ändlech esch so wit  
Se hei hufe Setzige abghaute  
Wie me d'Haue chönnti gschtaute

Ir Bodematt e Mehrwäckhaue  
De Vereine wörd das guet gfaue  
Doch der Finanzgott esch dergäge  
Aui Argument döi versäge

Der Verhinderer duet 40 Jahr jubiliere  
Doch däm döi mer ned gratuliere  
Jetzt möi mer no 3 Jahr warte  
De stöue mer d'Haue em Chäpsu i Garte

**INSIDER**  
Schmutziger Donnerstag  
Nach der Chesslete:  
**! Nach-Chesslete !**  
Durchs ganze Dorf bis Abends spät

# Z' Hägedorf Hemmlischi Dage



Hemmlischi Dage und Naare uf dr Gass.  
Das esch öisi Fasnacht,  
a dere hei mer Spass!

Schmutziger  
Donnerstag,  
11. Februar 2010

## CHESSLETE

Punkt **05.00 Uhr** chesslet's durchs ganze Dorf. Anschliessend Mehlsuppe in der Turnhalle Oberdorf. Das beste Lärminstrument wird von der Höckeler-Zunft prämiert.  
Besammlung : **Beim Spitzacker**



## KINDERSCHMINKEN

von **14:00 bis 17:00 Uhr** schminken der **ROOT XXXIII.** und seine Helfer die Kinder beim Root-Huus. Die originellsten Hotschi auf dem Dorfplatz werden prämiert.



## SCHNITZELBÄNKE UND GUGGEMUSIK

Ab **20.00 Uhr** in den Restaurants Teufelsschlucht, Tell, Florina sowie im Bistro Vögeli und im Gervasianum durch den Root XXXIII., Höckeler-Zunft, Schlumpf-Zunft, Schluchtratten und Hägageri-Gugge.

Ab **23.59 Uhr** „**OPEN HOUSE**“ im „*dr neue Egge*“ und Shakespear



Fasnachtsfreitag,  
12. Februar 2010

## SENIORENFASNACHT

MIT SPIEL, SPASS UND ATTRAKTIONEN ab **13.30 Uhr** in der Turnhalle Oberdorf, organisiert von der Hägageri-Gugge i.A. der Einwohnergemeinde.  
Mitwirkende: Root XXXIII, alle Zünfte, Kliken und Gugge  
*Siehe persönliche Einladung*



## BEIZENFASNACHT MIT MASKENTREIBEN

Ab **20.00 Uhr** in sämtlichen Fasnachts-Beizen von Hägedorf, alle Fasnächtler machen mit.

Ab **20.59 Uhr** „**OPEN HOUSE**“ im „*dr neue Egge*“ und Shakespear



Fasnachtssamstag,  
13. Februar 2010

## FASNACHTS-UMZUG

Alt und Jung sind herzlich eingeladen  
Start: **14.33 Uhr** Schulhausplatz Oberdorf. Anschliessend offeriert die Gemeinde das traditionelle Wienerli mit Brot. (*Nur für Kinder und Umzugsteilnehmer*)



## SCHLUMPF-MASKENBALL

MIT SCHNITZELBÄNKEN UND GUGGEMUSIK

Ab **19.45 Uhr** in der Turnhalle Oberdorf mit **RINO'S PARTY CONNECTION**  
Eintritt: Fr. 10.- / Vollmasken frei. Kassaeröffnung: 19.00 Uhr  
Sonntag ab 04.00 Uhr „**Energy-Breakfast**“ im „*dr neu Egge*“



Fasnachtssonntag,  
14. Februar 2010

## KINDERMASKENBALL

von 14:00 - 17:00 Uhr in der Turnhalle Oberdorf.  
Eintritt: Fr. 5.- inkl. Hot-Dog



Fasnachtsmontag,  
15. Februar 2010

## FASNACHTSTREIBEN AUF DEM DORFPLATZ

Ab **14:00 Uhr** rund ums Root-Huus kunterbuntes Treiben mit **Root XXXIII.**  
Kinderschminken, Konfettischlacht, Guggen-Klang.



## HÖCKELER-MASKENBALL

Ab **20.00 Uhr** in der Turnhalle Oberdorf mit **ALBERT AUS TIROL**  
Eintritt: Fr. 10.- / Vollmasken frei.  
Dienstag ab 04.00 Uhr „**Powerfrühstück**“ im Bistro Vögeli



Fasnachtsdienstag,  
16. Februar 2010

## KINDERDISCO AUF DEM DORFPLATZ

Ab **14:00 bis 16:00 Uhr** lustiges Fasnachtstreiben auf dem Dorfplatz mit DJ

## HOTSCHIFÜÜR MIT ANSCHLIESSENDER USLOMPETE

Um **19.03 Uhr** zündet der Root XXXIII. auf dem Dorfplatz das „Fasnachtsfüür 2010“ an. Anschliessend wird mit den Klängen der Hägageri-Gugge in „*dr neu Egge*“ zur traditionellen Uslompete disloziert.

